



Broj: 04-04-40851-9/25
Datum: 27.05.2026.godine

SVIM ZAINTERESIRANIM KANDIDATIMA

PREDMET: Odgovori na pitanja kandidata o sadržaju dokumentacije javnog poziva

Ministarstvo saobraćaja Kantona Sarajevo je dana 26.05.2026.godine, putem elektronske pošte, zaprimilo pitanja za pojašnjenje sadržaja dokumentacije javnog poziva za davanje u zakup reklamnih površina na tramvajskim stajalištima u Kantonu Sarajevo, slijedećeg sadržaja:

Pitanja od 26.05.2026.godine

Pitanje 1.

Molimo da navedete konkretan zakon, podzakonski akt ili drugi propis na osnovu kojeg je zabranjeno političko oglašavanje na predmetnim reklamnim površinama, uključujući precizno navođenje relevantnih članova propisa.

Pitanje 2.

Uvidom u dostavljene podatke i prateću dokumentaciju (tabelarni prikaz stajališta) stiče se utisak da matematički prikaz i obračun pojedinih parametara nisu međusobno usklađeni, odnosno da postoje odstupanja u prikazanim vrijednostima. Molimo da pojasnite koji podatak se smatra relevantnim i mjerodavnim za potrebe pripreme ponude i obračuna finansijskih elemenata. Navodimo, u tabelarnom prikazu koji se odnosi na lot 1. stavka broj 1. 'tramvajsko stajalište Banka' na stanici 27. javnog poziva, dimenzije staklene površine nisu u skladu s kvadraturom iz kolone 'Jedinična površina sa jedne strane reklamne površine 8m2)' i samim tim daljnji obračuni za ukupnu površinu za dvostrano oglašavanje (m2) nije ispravno izračunata? Da budemo konkretni, matematički obračun kvadrature na osnovu definisanih dimenzija (visine i širine reklamnih površina) u nekim stavkama nije dobro izvršen i to je jasno vidljivo iz gore navedenog primjera.

Pitanje 3.

Uvidom u stvarno stanje na terenu, evidentno je postojanje većeg broja modula i reklamnih površina u odnosu na broj specificiran predmetnim Javnim pozivom. S tim u vezi, molimo pojašnjenje da li će za preostale module koji nisu obuhvaćeni ovim Javnim pozivom biti raspisan poseban postupak/javni poziv, i postoji li mogućnost da isti budu dodijeljeni nekom drugom ponuđaču?

Pitanje 4.

Molimo vas za informaciju da li se uplata depozita vrši na osnovu početne cijene za trogodišnji ili jednogodišnji period zakupa?

Pitanje br.5

Da li će se iz postupka javnog poziva za davanje u zakup reklamnih površina na tramvajskim stajalištima diskvalifikovati trenutni nelegalni korisnik istih?

Komisija za pripremu javnog poziva i provođenje postupka za davanje u zakup reklamnih površina na tramvajskim stajalištima u Kantonu Sarajevo imenovana rješenjem ministra saobraćaja Kantona Sarajevo broj: 04-04-40851/25 od 16.03.2026. godine, u skladu sa tačkom 1.7. na pitanja o sadržaju dokumentacije javnog poziva, na navedena pitanja dostavlja pojašnjenje kako slijedi:

Odgovor na pitanje br.1.

Zabrana političkog oglašavanja je detaljno pojašnjena u pojašnjenju sadržaja dokumentacije objavljenom 25.05.2026.godine.

Odgovor na pitanje br.2

Relevantim podacima smatraju se podaci navedeni u javnom pozivu i pratećim prilogima sa jasno definisanim raspoloživim površinama na tramvajskim stajalištima koja su predmet zakupa.

Odgovor na pitanje br. 3

Pitanje se ne odnosi na pojašnjenje sadržaja dokumentacije ovog javnog poziva i nije relevantno za pripremu ponude i učešće u istom.

Odgovor na pitanje br.4

Vrijednost depozita i način uplate su jasno navedeni u Javnom pozivu i detaljno pojašnjeni u pojašnjenju objavljenom 25.05.2026.godine.

Opreza radi napominjemo da se depozit za ozbiljnost ponude obračunava u iznosu od 50% početne vrijednosti LOT-a bez PDV-a definisane Javnim pozivom (tačka 1.15.):

„Ukupna početna cijena za period zakupa od 36 mjeseci po LOT-ovima bez PDV-a iznosi:

- za LOT 1: 195.379,86 KM,
- za LOT 2: 215.822,13 KM,
- za LOT 3: 204.801,63 KM.“

Slijedom navedenog, vrijednost depozita iznosi 50% početne vrijednosti tj. cijene LOT-a za koji ponuđač dostavlja ponudu.

Odgovor na pitanje br.5

Pitanje se ne odnosi na pojašnjenje sadržaja dokumentacije ovog javnog poziva i nije relevantno za pripremu ponude i učešće u istom.

KOMISIJA ZA PRIPREMU JAVNOG POZIVA I PROVOĐENJE POSTUPKA



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba